

40. ԵՐԿՈՒ ՎԱՃԱՌԱԿԱՆ

Մեկ քաղթի մեջ կենում էին էրկու զանկին թուշարներ: Էս էրկուար հօրար հետ էղնում են աղբեր: էրկուան էլ ավլատ շեն ունենում: Մե վախտ անցնում է մեկին մե տղա է էղնում, մեկելին՝ մե աղջիկ:

Տղան որ էղնում է շորս հինգ տարեկան, տանում դնում են մե սիրուն հօգա, որ արևի երեսը չը տեսնի: Տղի կերածն է անօսկոռ միս ու անկորիզ շիր:

Էսենցով մի քանի տարի անցնում է, տղի հերը մեռնում է, մերը շատ քասիրնում է:

Օրըմ տղին շիր են տանում ուտելու Զրի մեջ մի կորիզ է մնացեր, տղեն, կերած վախտ կորիզը որ հանում է, վերցնում քցում է, կորիզը դիպնում, փանջարի շուշեն ծակում է, արևի շողը ներս է մտնում փանջարից: Արևի լուսը որ տեսնում է, տղեն խելքը թռցնում է, թևերը վեր է քշտում, հասնում է արևի հետ գյուլաշ:

Նես է զարնվում, նեն շարչրվում, բեզրում հընկնում է:

Մշակը հաց է բերում, աշում է, որ տղեն ճար ու իլաճից հընկել է:

Տղան ասում է մշկին.— Էս ի՞նչ մարդ է, որ ներս մտավ իմ հօգեն, անում, շեմ անում, ոչ կարամ բռնել, ոչ էլ դուրս է հընկնում, էս ի՞նչ աներես բան է:

Մշակն աշում է, որ էլ պահել չի ըլլի, ասում է.— Էդ մարդ չէ,

արեն է, լուս տալովը էդ է, էդոր լուսից, տաքութունից մարդիկ ման են դալում, առուտուր են անում:

— Որ էդենց բան կա, էլ ես ըստե չեմ մնալ, ես էլ եմ դուրս հ'ելնում, աշեմ, թե էդ ինչըխ բան է էդ արևը:

Դուրս հ'ելավ տասնուհինգ տարեկան շահել տղեն, էնքան սիրուն, որ արև կը լմաներ: Խալխի պռունկը պառվում էր, էդենց էլ սիրուն տղա չէ էդեր:

Տղեն, օր մի իր մշկի հետ ման էր գալում շարսուի մեշ, աշում է, որ ամեն մարդ իր հմար մի գործ անում է, առուտուր, բան: Տղեն դառավ էկավ տուն:

Մերը գալում հարցնում է տղին թե.— Ի՞նչ տեսար:

Տղեն ասում է.— Մեր, ամեն մարդ իր հմար առուտուր է անում, ես էլ պտի առուտուր անեմ:

Մերն ասում է.— Որթի, մենք ի՞նչ ունինք, որ դու ինչ առուտուր անես, մեղի մեկ կով կա, ուրիշ հեշ մի բան չունինք:

Տղեն մշկի հետ հ'ելնում առնում է կովը, քշում տանում է շարսուն ծախելու: Կայնում, կայնում ինչունի կեսօր, կայնում աշում են, որ հեշ մի մարդ հարցնող չկա թե «էդ ի՞նչ կով է», դարձնում, քշում բերում են, որ գան տուն: Գալում մե հարուստ թուշարի դռնից անցնում են, աշում են, որ մի երեկի մարդ դուրս հ'ելավ դռնից, կանչում է տղային:

Հարուստը էդ տղի հոր ախարացուն էր, էն տղին ճանչնում էր, տղեն էնոր չէր ճանչնում: Տղի հերը իր հարուստ վախտ էգ մարդուն շատ լավութուն էր արած: Էգ հարուստը էնքան վատ մարդ էր, որ ամեն բան մտահան էր արած: Տղեն ու իր մեր էնքան աղքատ էին ապրում, հեշ մեկ օր էնոնց հ'երես չէր աշում,

— Ա՛յ տղա, էգ ի՞նչ ես ծախում:

Տղան ասում է.— Կով եմ ծախում, աղա շան:

— Ա՛յ տղա, էդի կո՞վ է որ դու ծախում ես, ուրիշներ լսեն կը խնդան քու վրեն:

— Հպա ի՞նչ է, աղա շան:

— Ի՞նչ, դադ է ի՞նչ է, չես տեսնում:

— Աղա շան, դու ընչի ես էդենց ասում, ախր էսի կով է, դա ասում ես «դադ է»:

— Տեսեք տո՞, տեսեք էս տղեն իր խելքը կորուցել է, դադին կով է ասում:

Տղեն իրան, իրան մտածում է. «Վայ թե էսի դադ է, որ էս մար-

դը ասում է՝.— Աղա շան, թող քու խոսքդ էղնի, դադ է, դադ է, ի՞նչ
ես տալում, տուր:

— Ղազի դին ինչ կըլլի, քշիր գա տուն, մի քանի ղուրուշ է ա-
վելի կտամ:

էդ հարուստ մարդը կովը տարավ տուն, մե պզտիկ դուռ բացեց,
դռան մեջն էլ մե պզտիկ ծակ կար, կովի պոչը էն ծակեն հանեց,
տվեց տղի ձեռք ու ներսեն կովի պոչը կռեց մնաց տղի ձեռ: Ինքը
գնաց ու էլ չէկավ, փարեն էլ չըտվեց:

Տղեն կենում, կենում աշում է, որ մարդ դուրս չի գա, թողեց
դռնավ, էկավ տուն ու մորը պատմեց գլխի էկածը:

— Մեկ հարուստ մարդ ընծի խաբեց, կովը դադ դեյի առավ ու
փարի տեղ էս պոչը տվեց, դուռը փակեց, կայնա, կայնա չէկավ, թո-
ղի էկա:

Մերը որ լսում է, ասում է.— էդ ինչըխ որ պատմում ես, էգ
հարուստը քու հոր հընկերն է, էդ մարդ քու հոր կարողութունը կե-
րավ:

Տղեն մի քանի անգամ գնաց էկավ, էդ անաստված մարդ բան
չտվեց: Տղեն մտածում է. «Աճապ ես ինչըխ անեմ, որ մե դյուզա-
նով դուրս առնիմ»:

Գալում մոր մոտ ասում է.— Ադե, ըսկի փարա շունի՞ս, որ տա-
նիմ ընծի շոր առնիմ:

Մերն ասում է.— Իմ մոտ հարիր ղուրուշ փարա կա, ավելի չկա:
Մերը բերում էդ փարեն տալում է տղին, տղեն էրթում իրան մեկ
ղաթ լավ հալավ է կռում: Հագնում դառնում է մի լավ հարս, էնքան
սիրուն, որ տեսնողի խելքը էրթում է:

Տղեն գալում է, մորն ասում է թե.— Ադե, գնա էդ հարստի
մոտ ասա թե. «Ըշթը իմ տղիս կարգեցի, մի շատ սիրուն հարս
հուզեցի, էդավ որ տղես մեռավ, հարսս մնացեր է տուն, քանի հա-
րուստ երեւի մարդ էկավ հուզելու չի առնում, կայներ է քեզի է
հուզում առնել»— տես ինչ կոսե:

Մերը հիշնում էրթում է էգ հարուստի տուն: Դուռը զարնում
է, հարուստն ասում է.— Գնացեք տեսեք էդ վո՞ւ է դուռը ծեծում:

Գալում աշում են, որ մի կնիկ, հարցնում են թե՝ ինչ ես ասում:

Ասում է.— Ես ձեր աղի հետ քիչ բան ունիմ, գնացեք իրան
ասեք:

էրթում ասում են, թե.— Մի աղքատ կնիկ է հուզում է քեզ
տեսնի, աղա:

— Գնացե՛ք ասե՛ք, թող ներս գա, աշենք թե էդ վե՛ւ վէ, ի՞նչ կնիկ է:

Կնիկը էրթում է ներս, ասում է.— Աղա ջան, ըշթը մի քանի օր առաջ իմ տղիս կարգեցի, բիրդան մեռավ: Հիմի, սիրուն, լուսի պես հարսս մնացեր է տուն, ես էլ չեմ կարա պահել: Քանի հարուստ երևելի մարդիկ հուզելու էկան, չառավ, հիմի կայնել է քեզ է առնում, էդոր հմար ընձի ճամբեց քու մոտ:

Հարուստի հոտներ գետնից կռավ: Ուրախութունից չէր իմանում ինչ ասե:

— Լավ, ես էլ առնում եմ քու հարսիդ, որ էդենց է քեզի բոլ էլ փարա կուտամ: Էս հիրիկուն սհաթի ըննին ձեր ճամբեն կաջեմ:

Թուշարը էդ հիրիկուն լավ պատրաստութուն տեսավ: Մշկնեւրուն թե կես գիշերին էր բաց թողնում, էդ հիրիկուն արևը նոր էր մեր մտեր, որ մշակներուն թոմրին ղրկեց իրանց տներ:

Սհաթի իննը հլա չէր էղած, մեկ էլ աշեց, դուռը ծեծեցին: Հիւլավ դուռը բացեց, ներս էկան հարս ու կեսուրը: Հարուստը հարսի սիրունութունը որ տեսավ, խելք գլխուց թռավ: Ներս տարավ թե չէ, խեղճ կեսրոջ գլուխը կոնց քցեց հորի մեջ: Հարսը խաբար չէղավ, թե կեսրոջ գլուխը կոնց: Գնաց հարսի հօդեն, որ քեֆ անեն, պառկեն:

Հարսն ասում է.— Քեզի շատ հարուստ են ասում, ինչունի որ քու բոլոր հարստութուն ընձի ցուց շտաս, ես քու մոտ պառկողն չեմ:

Հարուստը հիւլավ, առավ բալնքներ, հարսին տարւով թոմար հօդեք ման ածեց, էկան մեկ պզտիկ դռան մոտ կայնան: Հարսը հարցնում է թե.— Էս հօդի մեջ ի՞նչ կա, բաց աշենք:

— Ըտտը օնչինչ էլ չկա, ի՞նչ բաց անեմ:

— Զէ, անկարելի է, որ բաց չանես, քեզ չեմ առնում:

Էդ հօդի դուռն էլ բացեց: Ներս են մտնում աշում է, որ էդ հօդի մեջ մե մեծ հոր է փորած, ու լիք շանդակ լցած: Տեսնում է, որ մոր շանդակն էլ է հոդ: Մտքի մեջ կոսե. «Լավ, դու իմ հոգուն վայ տաս, սրեն քեզի էլ կը դա»:

— Լավ, լավ, բոլ է, ամեն բան տեսա, քելե էրթանք:

Գալում են իրանց օթախը, հարսը ասում է թուշարին.

— Հանվի շորերդ որ պառկենք:

Թուշարը հանվում է, որ պառկի, հարսն ասում է.

— Քիչ սաբր արա, քեզի բան ունիմ ասելու:

— Դեհ, ասա, էլ ի՞նչ ես մարդու հոգին հանում:

— Դու էն հարուստը չե՛ս, որ կովը իմ ձեռքից ղազ դելի առար, հա, ահան, էս էլ կովի պոչը:— Հանում, կովի պոչը ցուց է

տալում: Թուշարի ծնկները դողում են: Հարսը, որ կովի տերն էր, քաշում է տուրք, էնքան է ծեծում, որ հարուստ լեզվից, բերնից հ'ընկնում է, վերցնում շվանով կախում է ակուշկից ու առնում է մե պարկ օսկի ու հայտե էրթում է:

Սաբախտան վաղով դալում են մշկներ, աշում են, որ դռները թոմարի բաց են, ներս են մտնում աշում են, որ աղեն կախված է փանջարից, հասնում հ'իջցնում են, հարցնում են թե.— էս ի՞նչ բան է ձեռք տվեր իրան:

— Ա՛խ, կովի տերը ընձի էսենց էս օրը քցեց: Հ'եկեք բառնանք, էրթանք մի ուրիշ քաղաք, որ կովի տիրոջ ձեռքից ազատվենք:

Հ'եկնում են, տուն, հարստութուն բառնում ու թողնում էրթում են:

Տղեն տեսնում է, որ հարուստը բառցավ, փախավ: էրթում թոփ է անում քաղքի միջից իր հընկերներին, մի լավ քեֆ են անում ու հ'եկնում հ'ընկնում են թուշարի հ'ետևեն: էրթում մի ուրիշ քաղքի մոտ հասնում են, որ բռնեք թափեր հանգստանում են: Թուշարը, որ տեսնում է էդ տղերանց, ասում է.— էլի կովի տերն էկավ:

Հասնում, բռնում են թուշարին, մշկներ փախնում են: էլի տուր, որ կըտաս, էնքան են տալում, որ լեզվից, բերնից քցում են, տեղն ու տեղ առնում են բավական օսկի ու դառնում են:

Տղեն ասում է.— Հլա դու էլի չ'պրծար իմ ձեռքից, քու հախ դատը հետև է:

Թուշարի խելքը գալում է վրեն, մշկները թոփ են էղնում: էդ մարդն ասում է մշկներին.— Տղերք, արեք էլի հետ դառնանք մեր քաղաք: Բոշ բան է, մենք հ'ուր որ էրթանք կովի տիրոջ ձեռքից չենք կարա ազատվի:

Ընտից էլի դառնում գալում են իրանց քաղաք:

Գալում էլի էրթում է նստում իր տներին մեջ:

Կըսե.— Իլլաճ չկա, ինչըխ որ անեմ, էս կովի տեր օրըմ ընձի իմ տան մեջ կը սպանե:

Թալլալ է քցում քաղքի մեջ թե.— Կովի տեր վե՛վ է, թող այան հ'եկնի, այս ինչ թուշարին որ կով է ծախեր, թուշար հ'ուզում է իր արևից սիրուն աղջիկ էնոր տա:

Տղեն լսում է թալլի ձեն, հ'եկնում ասում է.— Ծս եմ կովի տեր:

Բռնում տանում են թուշարի մոտ: Թուշար հարցնում է.— Դո՞ւ ե՞ս կովի տերը:

Տղեն հանում կովի պոչը ցուց է տալում, ասում է, թե ինչըխ

հարսի շորերով մոր հետ էկավ, ծածկեց ու կախեց, թե ինչըիս իր հըն-
կերներով գնաց հասավ էն քաղքի մոտ ու էլի ծածկեց ու ահագին փող
բերեց:

Թուջարը բերում իր աղջիկը պսակում է էդ տղի վրեն, իր բո-
լոր ունեցած, շունեցածը գրում է տղի գլխին, լավ հարսնիք կենե,
նոր կը պրծնի կովի տիրոջ ձեռքից:

